

ҚАЗАҚСТАН РЕСПУБЛИКАСЫ
ПАРЛАМЕНТІ МӘЖІЛІСІНІҢ

ДЕПУТАТЫ



ДЕПУТАТ

МАЖИЛИСА ПАРЛАМЕНТА
РЕСПУБЛИКИ КАЗАХСТАН

010000, Астана, Парламент Мәжілісі
20 __ жылғы «__» _____
№ _____

010000, Астана, Мажилис Парламента
«__» _____ 20 __ года

2023 жылғы 12 сәуірде жарияланды

Қазақстан Республикасы
Премьер-Министрінің
орынбасары
А. Қөлгіновке

ДЕПУТАТТЫҚ САУАЛ

Құрметті Алтай Сейдірұлы!

Мемлекет басшысы Қасым-Жомарт Кемелұлы бір сөзінде, «Қазақтың тілі – қазақтың жаңы! Халқымыздың тарихы да, тағдыры да – тіліндегі» деп кадап айтқан. Мемлекеттік тілдің қолданыс аясын кеңейту Amanat партиясының сайлауалды бағдарламасында да маңызды орынға ие.

Тәуелсіздік алғаннан бері елімізде 3589 заң қабылданып жұмыс жасап жатыр. 30 жылдың ішінде қазақ тілі мемлекеттік тіл болғанымен заты мемлекеттік бола алмады. Заң жобасы орыс тілінде әзірленіп қазақ тіліне аударылатыны жасырын емес. Осы күнге дейін қазақ тілінде тек екі заң жобасы әзірленіп, қабылданған. Атап айтсақ, *Тілдер туралы, Көши-қон туралы заңдар ғана*. Заңның қазақ тіліндегі мәтініне қатысты сын-пікірлер халық арасында өте көп. Соның бірі заң терминінің бірізділігінің сақталмауы.

Мемлекеттік тілдің аясындағы кешенді проблемалар қазақстандық құқық жүйесі кеңістігінде бір-бірімен сабактасып, ұштасып соның салдарынан түйткілді мәселелер туындауда.

Қазақ және орыс тілдері құрылымы түрғысынан әр түрлі тілдік топтарға жатады. Заң шығару процесінде осы ерекшеліктер ескерілмесе, мәтіндердің мағыналары бұрмаланып мәні өзгереді. Бұл жоғарыда аталған сөзбе-сөз немесе калька аударманың әсері. Бұндай кемшілікке жол беруге әсте болмайды.

Сондықтан, бірінші кезекте заң жобасы қазақ тілінде талқыланып, қабылдануы керек!

Қазақ тіліндегі терминдердің қалыптастыруды орын алып жатқан кемшіліктердің уақтылы түзетіп, термин шығармашылығын үздіксіз дамытып, жетілдіріп, терминологиялық жұмыстарды бір орталықтан үйлестіріп, кәсіптік деңгейде жүргізгенде ғана жүйеленген ұлттық терминологиялық қор қалыптастасатыны ақықат. Әсіреле, заңнама терминологиясына келгенде абай болғаны абзап.

Бүгінде қазақ тілі терминдерінің бірыңғай электрондық базасында 380 мындан аса термин орналастырылған болса, оның ішінде заңтану саласында 11139 термин бекітілген¹.

Сол терминдердің өзі жиі өзгеріске ұшырайды. 2000 жылдарда бекітілген терминдердің жартысына жуығы 20 жылдарда қайта жаңартылған. Бір ғана мысал, «обращения» деген ұғым Конституцияда «өтініш» деп айқындалып, қолданыстағы барлық заңнамаларда солай көрініс тапқан. 2022 жылды Мемтерком ол ұғымды жаңалап «жолданым» деп бекіткен. Сөйтіп, 2022 жылды қабылданған Әкімшілік рәсімдік-процестік кодексте, Конституциялық Сот туралы заңда «жолданым» термині енген. Мұндай өзгерістер бұрынғы қолданыстағы заңдардың мәтінімен мүлде бірізді, аутентикалы бола алмайды.

Заң тілі нақтылықты қажет етеді. Мысалы, «постоянное местожительство», «турфылықты жер», «турфылықты мекен»; «недвижимое имущество», «жилжымайтын мұлік», «қозғалмайтын мұлік» деген баламалар Конституциядан бастап барлық қолданыстағы заңнамаларда кездеседі. Өздеріңіз көріп отырғандай, бір заңның ішінде бірізділік сақталып отырған жоқ. Тұынды заңдарда да жағдай осылай.

Заңтануда терминдік даралық сипат алған сөздер мен сөз тіркестерінің қызметі айқындалып, олардың заң өміріндегі өрісі анықталып, тұрақтануы керек.

Әрі қисыны келсін, келмесін халықаралық терминдерді қалайда қазақшалауға тырысқанымыз тағы бар.

Аударма терминдердің сырын, болмысын аша отырып, қазақ тіліндегі заңнамалардағы жеке сөздер мен сөз тіркестерінің контекстегі қызметі мен жеке тұрғанда білдірер мағынасын жете түсінбей тұрып, бірден аудару салдарынан кетер кемшіліктерге, заңнама мәтініндегі бірізділікке қатысты олқылықтарға баса назар аудара келе қордаланған мәселені шешудің жолын іздестіру керек.

Сондықтан бірінші, қазақ тіліндегі барлық құқықтық нормативтік актілердің тұп мәтініндегі терминологиялық қолданудағы бірізділікке ревизия жүргізу қажет.

Екінші, мәнмәтіндік қолданыстың үйлесімділігін, сөйлемдердің ішіндегі түрлену ерекшеліктерін анықтау.

Үшінші, жасалған жұмыстардың нәтижесін сұрыптап, жүйелі анализден өткізу.

¹ <https://termincom.kz/industry/?id=1&tid=1>

Сондай-ақ атап айттар маңызды тұс, ревизия нәтижесінде қолданыстағы заңнамаларда анықталған қордаланған сәйкессіздіктерді жоюдың бір реттік жолын қарастыру керек.

Депутаттық сауалға заң талабына сәйкес, нақты жауапты жазбаша түрде белгіленген мерзімде Қазақстан Республикасы Парламенті Мажілісіне жолдауызызды сұраймыз.

Күрметпен,
Қазақстан Республикасы
Парламент Мажілісінің депутаттары,
«АМАНАТ» Партиясы
Фракциясының мүшелері

**«Ақжол» Қазақстан Демократиялық
Партиясы Фракциясының мүшесі**

**Бірмандаттық аумақтық
сайлау округі бойынша сайланған
депутаттар**

**Y. Шапак,
Ж. Амантай,
А.С. Құспан,
М.Н. Рожин,
Ж.Д. Сулейменова,
С.Б. Мусабаев,
Н.А. Сәрсенғалиев,
А.Д. Әлтай**

Қ.Ж. Иса

**Д.Т. Мұқаев
Д.Е. Исабеков
Қ.Р. Балабиев**

*Орында: Д.К. Жапарова
74-67-52*